

6字诗句

1.
爱马能成一癖，结髦可忘百忧。我亦时时自笑，开编万事俱休。——陆游《六言》
2.
门对鹤溪流水，云连雁宕仙家。谁解幽人幽意，惯看山鸟山花。——李白《春景》
3.
风细飞花相逐，林深啼鸟移时。客至旋开新茗，僧归未拾残棋。——陆游《六言》
4.
风暖江鸿海燕，雨晴檐鹊林鸠。一段青山颜色，不随江水俱流。——文天祥《山中六言三首》
5.
功名正恐不免，富贵酷非所须。铁马未平辽碣，钓船且醉江湖。——陆游《六言》
6.
种竹可侔千户，拥书不假百城。何必思之烂熟，热官无用分明。——陈与义《六言二首》
7.
从洛到许巍巍。曹公忧国无私。减去厨膳甘肥。羣僚率从祁祁。虽得俸禄常饥。念我苦寒心悲。——孔融《六言诗》

8.
朝来户前照镜，含笑盈盈自看。眉心浓黛直点，额角轻黄细安。只疑落花慢去，复道春风不还。少年惟有欢乐，饮酒那得留残。——庾信《舞媚娘》

9.
饮酒方桥夜月，钓鱼画舫秋风。冉冉荷香不断，悠悠水面无穷。——苏辙《答文与可以六言诗相示因道济南事作十首》

10.
万里草荒先垄，六年虫蠹群经。老喜宽恩放去，心似惊波不停。——黄庭坚《次韵石七三六言七首》

11.
扬子津头月下，临都驿里灯前。昨日老于前日，去年春似今年。谢守归为秘监，冯公老作郎官。前事不须问著，新诗且更吟看。——白居易《临都驿答梦得六言二首》

12.
宿露卷青步障，晨曦涌紫金轮。时平有戴白老，春晴宜踏青人。——刘克庄《春日六言十二首》

13.
石渠何须反顾，水驿幸足相容。长江大欲见底，探支八月凉风。——苏轼《和何长官六言次韵五首》

14.
壮岁京华羁旅，暮年湖海清狂。勿倚新知可乐，笑中白刃如霜。——陆游《六言》

15.
李白嶽崎历落，嵇康潦倒粗疏。生世当行所乐，巢山喜遂吾初。——陆游《感事六言》

16.

五尺童知大义，三家市有公言。但使一眠得熟，自余万事宁论！——陆游《感事六言》

17.

清风初号地籁，明月自写天容。贫家何以娱客？但知抹月批风。——苏轼《和何长官六言次韵五首》

18.

从来不似一物，妄欲贯穿九流。骨硬非黄閤相，眼青见白蘋洲。——黄庭坚《次韵石七三六言七首》

19.

幽州已投斧柯，崇山更用忧何。且喜龚邹冠豸，又闻张董上坡。——黄庭坚《次韵石七三六言七首》

20.

春暖群花半开，逍遥石上徘徊。独携玉律丹诀，闲踏青莎碧苔。古洞眠来九载，流霞饮几千杯。逢人莫话他事，笑指白云去来。——吕岩《六言》

21.

生涯一九节筇，老境五十六翁。不堪上补黼黻，但可归教儿童。——黄庭坚《次韵石七三六言七首》

22.

江南江北愁望，相思相忆空吟。鸳鸯暖卧沙浦，砧杵闲飞桔林。烟里歌声隐隐，渡头月色沉沉。含情咫尺千里，况听家家远砧。——鱼玄机《隔江汉寄子安》

23.

鹤外竹声簌簌，座边松影疏疏。夜静不收棋局，日高犹卧纱厨。——文天祥《山中六言三首》

24.

多谢纷纷云雨，相忘渺渺江湖。坐隅但忌占鵬，屋上何烦誉乌？——范成大《题请息斋六言》

25.

烟雨湖光软漾，空濛山色生奇。忆自段家桥水，流连不觉遄飞。——韦应物《烟雨》

26.

看著庄周枯槁，化为胡蝶翩轻。人见穿花入柳，谁知有体无情。——黄庭坚《次韵石七三六言七首》

27.

醉面贪承夕露，钓竿喜近秋风。借问孤舟何处，深入芙蓉浦中。——陆游《夏日六言》

28.

白云千里万里，明月前溪后溪。惆怅长沙谪去，江潭芳草萋萋。——刘长卿《苕溪酬梁耿别后见寄》

29.

税驾今吾将老，结庐此地不喧。恐妨蝴蝶同梦，笑傅颠当守门。——范成大《题请息斋六言》

30.

舜井溢流陌上，历山近在城头。羁旅三年忘去，故园何日归休。——苏辙《答文与可以六言诗相示因道济南事作十首》

31.

笋如滕薛争长，竹似夷齐独清。只爱锦绷满地，暗林忽两三茎。——杨万里《看笋六言》

32.

烟雨湖光软漾，空濛山色生奇。忆自段家桥水，流连不觉遄飞。——韦

应物《烟雨》

33.

冷暖旧雨今雨，是非一波万波。壁下禅枯达磨，室中病著维摩。——范成大《题请息斋六言》

34.

亲戚自有情话，来往都无杂言。酒熟径须相报，文成聊与细论。——范成大《题请息斋六言》

35.

心事数径白发，生涯一片青山。空山有雪相待，古道无人独还。——张继《归山》

36.

莫赋涧松郁郁，但吟陂麦青青。为妇读刘伶传，教儿书甯戚经。——陈与义《六言二首》

37.

门外青山朵朵，窗前黄叶萧萧。独坐了无言说，回看妄想全消。——憨山大师《禅诗》

38.

未央宫里红杏，羯鼓三声打开。大庾岭头梅萼，管城呼上屏来。——陈与义《又六言》

本文链接：<https://duanjuziku.com/duanjuzi/umesupemki.html>